

宋

會

要

宋會要

國信使

太祖開寶八年十一月命祕書省校書郎直史館宋準
假朝請大夫少府監為契丹國信使殿直邢文愛假右
衛率府率副之

真宗

二年詔充北朝國信使者每

有北朝人到闕並依所借官位服色班坐宴

天禧二

年十二月二十六日詔應曾充北朝國信及使伴送半

使副等每遇契丹人使到闕除大雨省外餘並令于左

掖門出入候迴日依舊 乾興元年七月遣戶部郎中

直史館劉錡客省副使曹曦為皇太后迴謝禮信使副

工部郎中趙賀為殿承制閣門祇候楊承吉為皇帝迴

謝禮信使副

仁宗

元年二年三月二十一日右司諫直集

賢院韓琦言乞今後國信及接伴使副委中書樞密院
擇才建名若有臣僚輒敢陳乞望賜嚴斷詔今後令擇
臣僚充 慶歷二年三月遣石正言知制誥富弼假資
政殿學士戶部侍郎為迴謝契丹國信使西上閤門使
符惟忠副之報其請地事也 八月命禮部郎中知制
誥張師總為契丹國母生辰國信使西京左藏庫副使
趙忠輔副之國母生辰辰命使自此始 神宗熙寧四
年九月五日以文忠副使梁充賀北朝皇太后國信
使以馬俎祖應圖臨虜不願往代之 五年九月七日
以興備庫使任懷政為大遼國信副使代田謹初以懷
政加賜夏國主生日禮物因對上問懷政家世任福之

姪也乃命與譚易之 二年三月十四日太常博士周
直儒等言國信一路郡縣驛亭陳設什物以至樂器等
故弊乞新之詔在京令國信所緣路委監司一員先事
點檢修治 十月二十二日詔以西京左藏庫副使兼
閤門通事舍人河北沿邊安撫副使劉瑄殿西京左藏
庫使代曹評為遼國信副使令雄州止以評疾報契丹
乘驛還闕以慈聖光獻皇后崩故也 三年正月五日
送伴遼使李琮等言大行太皇太后未葬恐使人以故
事遲過白溝置酒作樂詔勿過白溝橋給樂人例恩如
故事 八月二十三日詔自今遣文臣奉使帶館職者
並帶職 閏九月二十八日知定州韓絳言謀知遼人

遣石宗回為賀正旦副使令于接伴等處因語須說及
本石晉出帝之後已預令接伴館伴使副以語折之詔
劉興接伴使副四年八月二日詔自南北通和以來
國信文字差集賢院學士蘇頌編類九月二十七日
詔將米北使經過新路州軍守臣內有審官常格新差
材品凡鈍難以酬接虜人者可從中書預選官移易其
知趙州史宗範磁相邢趙州通判令河北轉運司體量
人材如不堪接待人使即于轄下選官對移並候人使
回日依舊五年十月八日太僕少卿吳安持等言奉
初接伴大遼賀正國信使原武河決雖已治道將間自
滑州以南猶有橫水三十餘里詔遣水部員外郎王諤

計置新船六十艘以待海 十二月十四日工批河北
沿邊安撫司謀知邊人令賀正旦副使趙度睦因覲朝
廷西事慮虜人因語言探問虛實其當酬應之辭三省
樞密院同議定劄與館伴使副 十七日接伴使吳安
持言遼使沿路事節並如舊唯例送樂人馬一疋不至
臣等俟前路言及詔安持等所不送馬勿問 六年二
月二十五日詔北使經過處知州曾借朝議大夫者家
舊自今更不借官令權限金紫不得繫金帶具押賜御
筵官仍互借先已借朝議大夫即借中散大夫並許繫
金帶不佩魚 十月八日內西頭供奉官馮世倫追兩
官張應之羅安李慶長內東頭供奉官譚文振內侍高

品盧世永右班殿直寄班祇候朱伯瑜各追一官坐編
欄國信使不覺察車營兵與北人私交易也十二月
五日命給事中韓忠彥館伴遼國信使初命禮部侍郎
李常上批西邊事未定慮虜人至關須語及之恐常不
知西事本未緩急難酬對故也七年四月八日石得
一奏接伴虜使下親從官隨行覲步欲乞令過位覺察
詔許之其入位與北人私相交易及傳達事情者察之
餘勿舉八年四月十八日命左司郎中滿中行充皇
帝登寶位北朝國信使在班殿直閤門祇候焦顏叔假
供備庫使兼閤門通事舍人副之詔中行等到遼國諭
館伴使令以太行皇帝遺制尊皇太后為太皇太后同

處分軍國事典禮並依章獻太后垂簾故事兩朝合通
信使具聞于北朝 八月二十四日詔太皇太后將送
遼國生辰禮物令御藥院依章獻太后與北朝皇太后
禮物數排辦內冠朵纓以金玉腰帶水晶鞍轡以玉鞋
襪以靴代之 九月十八日樞密院言昨令國信使滿
中行等計會北朝依嘉祐年北朝皇后賀仁宗皇帝生
辰正旦使人傳達禮意皆自北朝皇帝傳達今來北朝
吊慰太皇太后其使人傳達却係北朝皇帝專致傳語
使人見日回問并辭曰太皇太后亦當專為傳宣問北
朝皇帝非故事當改正欲令送伴北朝吊慰使副婉順
說諭使人悉依嘉祐年例從之 哲宗元祐年正月十八

日館伴還使所言國信使蕭洽等稱南使過本朝生餽
錄目無大宋國賀正旦歲生辰字今所賜錄目却有大
遼國賀字乞除此四字方敢收留尋面諭以久例豈可
輒有更改比至回程終不收受詔雄州移牒北朝涿州
其錄目俟蕭洽過界牒送訖奏五月六日雄州言得
涿州牒今後若委所司于生餽目內書寫北朝國信使
副併三節人從經久為便本朝有司不空南朝字亦議
別行更改詔令雄州移牒北朝涿州今後所賜信使生
餽客省目于并折支目內並書北朝賀正節名國信使
副并國信下三節人從六年四月五日左諫議大夫
鄭雍言昨元北朝生辰國信使伏見朝廷歲以玉帛贈

遼人怨歲久有時而盡請令後苑作旋球新帶以充
歲用從之 七年正月二日樞密院言遼使耶律迪病
且殆緣通好已來未有故事今用章頌王成宜奉使卒
于契丹北人津送體例預送館伴所密掌之如迪死即
施行從之 九月四日詔王子韶罷秘書少監以將命
使遼而御下苛細致指揮使刃其子并傷子韶故罷之
十四日詔八國接伴使副今後不得將帶親屬并有
官人充職員小底違者罪之其八國使副實有宿疾聽
帶親屬一名小底不以有無官具奏聽旨先是非泛使
出疆以老疾自陳有例得帶親屬自熙寧後著為通法
奉使者稍稍以親戚自隨因緣干擾故立條約 紹聖

元年正月二十二日詔東上閤門使成州團練使王湛
奉使遼國與館伴妄爭濮王諱字却韓參政慰狀及與
呂陶相逢擅不赴坐對答率易特罰銅二十斤罷所居
官 三月八日給事中呂陶等言具析到昨充宣仁聖
烈皇后遺留使副于北界遇朔望依元豐八年王震故
例用治平四年嘉祐八年不赴宴會例按明道年遺留
使副語錄內在北界遇朔望日並赴昨宣仁聖烈皇后
上僊臣僚遇朔望日亦無祭奠舉哀之儀與嘉祐治平
元豐故例不同呂陶等未嘗奏稟輒引用直作朝旨行
牒北界朔望不赴筵會及請移宴日仍以疾不赴致罷
曲宴雖已該恩詔呂陶除集賢院學士知陳州于是詔

張舜民等到北界因語及呂陶事即答云昨宣仁聖烈
皇后上僊朔望日別無禮制聞陶等誤用故例要有移
牒及請移宴日舜民等比在路中已聞陶等降黜并言
主上敦重信好所以特有行遣之意 閏四月五日戶
部郎中林邵等言請自今接伴副使擇官高者令武臣
知州借官相壓詔今後武臣知州係承制崇班並借供
備庫使諸司副使並對借序坐在接伴副使之上 九
月十七日國信所繳奏回謝北朝國信使張舜民副使
鄭介興送姚企貢問荅失當各特罰銅二十斤 十二
月二十一日接伴使時彥等言遼使至邢州見知州繫
皂帶不肯赴亭子茶酒蓋自來北使經由州軍皆武臣

知州并瀛州安撫使及接伴押宴官並繫紅帶自餘文
臣知州不帶學士以上職名即依舊未儀制詔令時彥
等婉順折難勿虧事體 四年二月十五日詔八國接
送館伴使副不得以無例之物送遺人使仍立法 三
月八日開封府言賀正旦使副下節人從喧鬧失
禮及躬弓處宣武虎翼兵士楊干等喧鬧罪狀國信使
副時彥曹旺奏三節人從無作過者虛妄不實詔右司
員外郎時彥供備庫使曹旺左班殿直成義安特各追
一官勒停楊干王干王立各杖脊配千里外牢城馮達
等降配鄆州 九月七日詔國信使副自今依熙寧條
許帶親屬一名充小底其元祐法勿行從國信使范鎰

請也 元符元年二月一日權開封府推官王詔言差
充興龍節送伴遼國人使欲乞依接伴到闕例只于瑞
聖園內設閣子令送伴使副伺候相見如先乞下有司
著為令從之仍令詳定編修國信條例子儀內修具
八月詔遼使經過如遇知州病患事故應本州接送人
使有違闕許權迎送人使官按斷從接伴使韓粹彥請
也 三月十四日樞密院言司勳員外郎韓粹彥等言
人使在路州軍諸項酒食料例已經編定陳設器皿亦
各新潔惟府界諸項祇應人等自京差到酒食未至豐
厚宿頓中路四處共差內臣兩人難以照管詔更不自
京差內臣并祇應人員委本處令佐管勾令府界提點

檢 二年正月十四日高陽關路走馬承受公事言訪
聞北界人言差下泛使蕭德崇等于二十四日離燕京
上節中帶夏國二人同行詔令河北沿邊安撫司體問
詣實聞奏 三月十六日館伴遼國泛使所言泛使齎
到禮物有玉帶及小繫腰元無封尋詰其因乃云例外
物虜主臨行授使者故不封詔劉興御藥院取旨回答
初宰臣章惇以謂恐無禮執政皆曰彼乃欲以為勤厚
也上然之 四月二十九日館伴所言竊見修華戎信
錄自通好以來事無不載而元豐六年後未未經編錄
伏望委官續成撰之 閏九月六日試給事中兼侍讀
趙挺之言差充賀北朝生辰見領詳定編修國信條例

有北道刊誤志及接見北使書狀儀式未能全備欲乞
就行詢訪沿路有詳修潤從之 三年徽宗即位未改
元二月二十一日詔國信使尚書司勳員外郎韓粹彦
文思副使賈裕同至白溝問國哀不別送伴皆罰金
六月一日告登位國信使韓治曹譜至虜庭虜遣蕭括
劉彥儒館客欲以南朝謝登位國信所為名治譜爭以
不當稱謝卒白國信所而還建中靖國元年二月十四
日命尚書吏部侍郎張舜民為遼國賀登位國信使西
上閤門副使閻仁武副之中書舍人謝文瓘為遼國祭
奠國信使皇城副使王漸副之尚書工部侍郎賈易為
遼國弔慰國信使左藏庫使兼閤門通事舍人劉商副

之易以目疾辭改命給事中上官均代之又命朝散大夫淮南江浙等路發運副使黃寔龍圖閣直學士中散大夫為遼國賀登位國信使代張舜民 十月五日詔朝奉大夫給事中上官均朝散郎給事中謝文瓘皇城副使王漸禮賓副使兼閣門通事舍人劉喬各降兩官以使遼弔奠而徙者更衣以入有違舊章故也 崇寧元年五月二十六日詔朝請郎尚書吏部員外郎宋景降授朝奉郎文思院副使曹藩降授供備庫使送吏部以接伴遼使不能閱其徒從之實故也 四年八月二十八日承議郎尚書禮部侍郎劉王夫假資政殿學士太中大夫為遼國國信使以林摠未畢使事虜繼遣使

至故再遣時靖和皇后園陵在京府界禁音樂七日
虜使託疾不肯入見得旨就館錫賚卒使如禮而歸
八月十八日樞密院言尚書度支員外郎王革接伴遼
國賀天寧節人使到相州遇靖和皇后小祥賜御筵合
作樂與否今太常寺檢會莊穆皇后周祥故事特不視
朝其曰百官詣西上閤門進名奉慰詔靖和皇后小祥
大祥依小忌內外禁樂一日五年正月二十一日詔
馬防罷刑部侍郎降授中奉大夫知蘄州以奉使辱命
也政和二年八月十二日臣寮言接送伴北使及引
押夏人前此務為苛察及以語言相勝或致生事乞加
謹擇仍申嚴幾察條禁詔令尚書省樞密院立法禁止

四年正月二十六日詔訪聞接伴副使高士儒于白溝驛感疾至雄州身亡蓋緣使事物故在道理宜存恤仰本州委官一員照管津遣仍量與應副 四月五日詔尚書也田員外郎楊信功送吏部以言者論其送伴北朝人使肆言藝狎有損國威故也 七年二月十二日詔朝請大夫杜充降授朝散大夫勒停武顯郎宣贊舍人狄嶽降授武畧郎宣贊舍人勒停坐嘗奉使輕紊典章故也 宣和四年正月二十四日詔朝奉大夫宋孝先降一官勒停坐奉使遼國傲慢失職故也 高宗建炎元年五月一日赦應昨緣奉使金人有未經推恩人許令自陳與檢詳元降指揮推恩內有金國拘留未

還者其請給令所屬權給一半贍養其家候及一年止
九日詔從事郎傅雱特授宣義郎假工部侍郎充金
國通和使武功大臣趙哲副之修職郎王倫特授朝奉
郎假刑部侍郎充金國通問使進士朱弁補修武郎副
之已而輔臣黃潛善汪伯彥請遣祈請使改傅雱為祈
請使馬識遠副之其已降遣兵約束且令馬忠薛廣等
駐劄大河之南候遣使先行別聽進止 二年十一月
二十二日赦應官吏等奉使見在金國之人所有其餘
應于恩數等並候回日一併給還仍不拘釐革年限石
林燕語宋朝館伴契丹例用尚書學士蓋以陪臣處之
下契丹一等也契丹館于都亭驛使命往來稱國信使

高麗館于同文館不稱國信其恩數歲制皆散于契丹
自後王將明等皆以學士館伴仍升使為國信建炎三
年單仲衍在揚州復入為學士高麗自海州來朝遂差
館伴因建言高麗用學士館伴出于一時之命而升為
國信使今風尔四夷尔以執物當正前日適然之失因
辭疾于是改差中書舍人張達明而罷國信皆用元豐
舊儀自單仲衍行請也

紹興二年九月四日赦應官員
諸邑人因奉使金國未回之人其家屬寄居州縣已降
指揮令所在官司多方存恤竊慮州縣遵奉不虔仰監
司按察無致失所 十九日詔應奉使金國未還之人
并隨逐官員使臣等其家屬散在諸路州軍居住訪聞

所在並不應副請給自今後專責守臣須管排月支給
如違從徒三年科罪仍許奉使之家越訴及出榜曉諭
四年九月十五日九年正月五日十年九月十日赦並
令按月支給

三年五月十七日詔瑞明殿學士左太
中大夫同簽書樞密院事韓肖胄充金國軍前通問使
左朝奉大夫試工部尚書胡松年副之續條具申請三
節人從欲于六曹及諸官司內不以有無官資及見任
侍闕已未參部人內指名抽差或辟差如有一切違礙
並免執奏不許辭避上中郎內有官人與先次轉四官
資白身人並先補承節郎進士先補迪功郎候回日各
與依軍功法特添差合入差遣一次今來轉補官資依

例不作非法補授理當參部差出理為資任下節軍兵
並各先轉三資候回日更轉一資上節都轄一員指使
二員書表司二員禮物六員引接二員醫候一員中節
職員四員親屬親隨六員執旗信三員小底二員下節
御厨工匠二人翰林司二人儀鸞司一人文思院針線
匠人一人將校二人管押軍員二人軍兵六十人教駿
二人書狀官欲支起發絹六十匹錢一百貫銀五十兩
上節起發起轄絹四十匹錢十貫銀二十兩指使禮物
官醫候引接書表司並各絹三十匹錢四十貫銀一十
兩中節起發並各絹二十匹錢三十貫銀一十兩內醫
候破合藥一百貫下節軍兵軍員起發絹一十匹錢二

十貫內有官人並許帶行新舊見任請給如無請給每月支贍家錢三十貫日支食錢五百文軍兵每月贍家錢八貫日支食錢五百文內將校起發錢絹并贍家食料等錢依中節人體例有官人各破本身驛券一道三節人並借請兩月從之 五年二月二十二日詔應奉使金國未還之人具應干恩數令本家齎元差或干照文字赴尚書省陳乞施行 紹興五年閏十月十九日奉使金國報謝所言照得今欲合差下節軍兵并訓練官等係輪到侍衛馬軍行司差撥出戍建康府人竊緣本所起發不測逼近若行差取相去千里委實地里差遠慮恐辦集職事不前是致抵牾乞就便于殿前司或

步軍司借差上件官兵一次其馬軍行司合差官兵等
充日後以次奉使差使詔于步軍司權差一次 同日
兩浙轉運司奏金國信使副非晚過界所有往回應副
御筵并沿路舟船出陸船擔人夫排辦飲食宿項等檢
會一淳熙十三年十一月指揮並委漕臣今後準此竊
緣本司見今應辦哲文神武成孝皇帝梓宮過江攢宮
修奉等事務委是繁劇難以前去乞別委浙西監司應
辦所有有一行舟船并祇備庫陳設衣幃器皿錢酒等本
司卻行照例備辦遣發應副詔長浙西提舉黃灝餘從
之 七年十二月三十日詔右朝奉大夫王倫除徽猷
閣直學士提舉醴泉觀假龍圖閣學士左中大夫樞密

部承旨元金國軍前迎奉梓宮使右朝請郎高公繪轉
右朝奉大夫假拱衛大夫忠州防禦使副之 八年十
二月二十三日詔端明殿學士左太中大夫簽書樞密
院事韓肖胄元金國報謝使光山軍承宣使樞密副承
旨錢愐假光山軍節度使樞密都承旨副之 二十九
日御史中丞勾龍如淵言和議既定遣使歲必再三欲
望特詔有司檢照近年體例參酌中制將支賜之物并
三節人數及所得恩例凡使者在館及至界首比舊減
三分之一至汴京或至燕中減半直至金國全破庶幾
久而可行以革泛濫之弊詔令三省樞密院照會 九
年正月五日敕應奉使金國未還之人封贈奏薦已降

指揮給還合得之數尚慮所在州軍保奏稽緩或官司
非理沮抑仰監司按劾御史臺覺察 同日詔王倫除
端明殿學士同簽書樞密院事免簽書仍賜同進士出
身差充迎請粹官皇太后交割地界使藍公佐除宣州
觀察使假保信軍節度使提舉萬壽觀副之 二十六
日右諫議大夫李誼言國信所指差三節人徒多是進
士甚至干執旗報信亦以進士為之伏望今後所差三
節人除親隨許用進士二名外餘並以使臣充一紹興
八年以前使人將命實化不測故三節人徒悉假以優
恩今既通和豈可復援前例欲乞量與減詔令禮部
檢照奉使大遼體例參酌條具以聞 十月十日

敕應因奉使金國未回并屬官其官職合該奉薦人未
經奏薦者特與蔭補一次如係陞朝官特與封贈一次
各令本家于所在州軍保明陳乞 十二年十一月八日
敕並同 十一年十一月十一日詔左朝散大夫尚書
吏部侍郎魏良臣假左正議大夫充接伴使福州觀察
使知閤門事兼客省四方館事王公亮假保信軍承宣
使副之館伴準此 十三日詔左朝奉郎試禮部尚書
兼侍讀莫將差充館伴使成州團練使知閤門事兼客
省四方館事曹勛副之館伴準此 二十三日詔左朝
奉大夫試御史中丞何鑄除簽書樞密院事差充金國
報謝使拱衛大夫利州觀察使知閤門事兼客省四方

館事曹勛除密州觀察使副之 十二年五月三日詔
左朝請郎試尚書戶部侍郎沈昭遠假吏部尚書充金
國賀生辰使福州觀察使知閤門事兼客省四方館事
王公亮假保信軍承宣使副之 金國生辰遣使準此
于是詔檢奉使大遼進呈取旨國信所具到國信令格
奉使指使滿二次轉進武校尉譯語親事官奉使接送
伴送及兩次轉一資親從差隨奉使及接送伴兩次無
遺闕候役名滿二十年轉一資奉使書表司人國三次
滿足轉一資奉使隨行醫官及三次換章服已永紫許
回授有服親或指射差遣醫學以下轉一資或換章服
奉使禮物殿侍滿二次轉三班差使奉使引接殿侍滿

四次轉三班差使別無奉使大遼生辰推恩人體例檢
正檢詳看詳參酌擬定正使起發又賜銀絹各二百匹
錢一千貫副使起發又賜銀絹各二百匹兩錢八百貫
三節人從共破五十人不許差白身人上節一十八下
節三十人內準備差使四員餘差軍兵上中節先轉一
官資內選人比類施行候回日更轉一官資添差合入
差遣一次內醫官更又合藥錢一百貫下節準備差使
先轉一官資候回日更轉一官資內軍兵先轉一資候
回日更轉一資起發上節又銀絹各一十五匹疋中節
支絹一十五匹銀一十兩下節支絹一十疋銀五兩請
給三節人從日支食錢五十文內有官人帶行新舊任

見任請給如無請給或不願請新舊見任者每月支膳家錢三十貫內軍兵除帶行見請外月支膳家錢八貫並自到所日起支結局日住支有官資人仍破本身本等券一道並借請兩月詔依擬定立為永法 六月八日吏部侍郎充金國接伴使魏良臣等言欲乞依舊例差編欄官二員引接儀範二員職員二員小底二人親隨二人醫官一員主管文字二人書表司二人外更乞差準備差使十員許依例指差借請兩月詔準備差使許差四人官屬人吏管並借請一月 八月十八日詔左朝請大夫試御史中丞萬侯高除左中大夫參知政事差充金國報謝使榮州防禦使帶御器械刑孝楊假

保信軍承宣使知閤門事兼客省四方館事副之 九
月二十八日詔在宣儀郎中書舍人楊愿假戶部尚書
充金國賀正旦使右武大夫宣州觀察使知閤門事兼
客省四方館事何彥良假奉國軍承宣使副之正旦遣
使率此 十三年十一月二十一日國信所言北朝賀
正旦人使赴闕舊例開封府差少尹接送詔差知臨安
府張叔獻 十四年正月六日詔吏部尚書羅汝楫差
充金國報謝使鎮東軍承宣使知閤門事鄭藻副之
三月二十六日詔應差生辰正旦非泛奉使并接送伴
官合差國信所指使譯語親事官及皇城司親從並仰
依祖宗舊法聽審使副問答語言及見聞事件兼覺察

一行人務于令整肅可劉興主管往來國信所今後遇
差奉使等官令檢坐條法指揮關報常切遵守毋致滅
裂 八月八日詔右承議郎監漳州南嶽廟萬俟卨中
奉使金國禮物官日私以違禁之物附載入國博易厚
利游貸命追毀出身以來文字不刺面配貴州本城收
管 十五年五月九日詔人使經過州軍令兩浙淮南
轉運司並以官錢應辦不得騷擾百姓各具知稟聞奏
十九日詔接伴金國賀生辰副使錢愷降一官送伴
別差人以接伴不職故也 十六年三月十日尚書省
言接送伴所差官屬員數太冗欲裁減小底二人親隨
二人主管文字二人準備差使四員止差部轄一員編

欄官二員引接儀範二員職員二員醫官一員書表司
二人從之 四月十一日詔今後金國使人赴關所差
接指使親從諱語等人除身分合得券食錢外其沿路
州軍所送錢物並不許收受如違以贓論 十四日接
伴使副王循友等言接伴使副沿路收受州郡饋送及
有數處犒設官吏等欲乞今後不許收受從之 十七
年三月十八日宰執進呈國信所乞裁減接送伴北使
官屬事上宣諭曰邊知白渡淮多日尚未見到恐路中
滯留則隨從人等不無生事騷擾可擬降指揮今後計
程赴行在 十八年五月十五日工部尚書屠大方言
近蒙差充金國賀生辰使每戒約一行官吏等不得輒

起事端過有須索竊慮後來三節人或有不識大體責
辦供應妄生語言有失事體所須甚微所繫甚大欲望
自今後每遣使人嚴行戒飭詔今後遣使自使副至三
節人並具知委狀申尚書省 十八日詔今後差賀生
辰正旦使副所給起發銀絹錢並各減半其三節人各
與轉一官資內使副仍各與轉一官以殿中侍御史余
堯卿言比年盟好既固將命若安行無虞與講和之始
事體不侔故有是詔 閏八月三十日詔今後奉使生
辰正旦下三節人過界並不許與北人博買如違從徒
二年科罪使副不覺察同罪 二十年三月九日詔左
中大夫參知政事余堯卿差充賀金國登位使鎮東軍

承宣使知閤門事兼客省四方館事鄭藻假保信軍節度使領閤門事副之十月詔賀金國登位副使應合行事件并起發支賜三節人從等並依未經裁減已前賀生辰正旦人數體例推恩以余克弼有請從左右司看詳擬定也 二十二年正月二十四日詔令淮東浙西經由州軍遇人使往還委守臣當職官并諸軍委統兵官嚴切措置閤防如有違戾取旨重作行遣罰正旦人使回程至鎮江府有都統制劉寶下使臣楊敏輒經北使馬前妄出語言故有是詔 二十三年四月六日詔今後奉使須選擇醇謹之人至加武臣作副亦當選擇 二十五年十月九日殿中侍郎御史徐嘉言欲自今

後差往金國賀正旦生辰使副并三節人等回並不許
收受供給饋送錢物等如輒受者依朝廷遣使出外輒
受供給饋送以自盜論供送者與同罪奉使一行往回
經由州軍縣鎮非理需索糜費一切盡行往罷不得依
前應副如有違戾並委本路帥臣監司覺察按劾聞奏
取旨重行遠竄如帥臣監司失于按劾令御史臺覺察
彈奏並從之 十二月二日上宣諭輔臣曰張士震去
歲奉使回當朕前奏事欺罔不寔宰相止以奉使不肅
罷績以官同處之可與遠小監當以為後來奉使之戒
二十六日平二月四日進士單鉉言此年以來奉使官
屬不問賢否惟金多者備貲而往多是市廛豪富巨商

之子不可不革欲望自今凡遣使人必加謹簡其所辟
到三節人從先具姓名中取旨三省樞密院次第審量
仍劄下國信所更切覺察庶革前弊從之 四月十九
日詔翰林學士左朝請郎知制誥兼侍講陳誠之假資
政殿大學士左大中大夫驛泉觀使兼侍讀充賀金國
上尊號使吉州刺史知閣門事兼客有四方館事蘇暉
假崇信軍節度使領閣門事副之以盱眙軍言得泗州
軍上號聖文神武皇帝故也 十月十五日詔奉使金
國使副并三節人推恩並有定制今後不得援例過有
陳乞如違令御史臺彈劾 二十七年十二月二十五
日詔今後人使往來兩浙淮南漕臣須管隨後行船不

得相遠仍多辦舟船爲稍準備使用 二十八解二月

十三日詔奉使接送伴使副往回不得輒赴筵會如違

依已降敕受饋送指揮科罪仍令臺諫覺察彈奏 四

月十七日權尚書工部侍郎劉章言奉使凡三節僉從

皆與轉官資于啟行之日既受賞典往往慢易欲望依

使副例俟回日推賞從之 五月二十八日詔泉州觀

察使知閣門事兼客省四方館事石清與外任以館伴

北使飲酒致醉踈慢失體故也 十月十九日詔接送

伴官屬等已有約束不許私販其奉使三節人從可令

有司參照立法禁止 十一月二日臣僚言比年以來

奉使辟差官屬多不親行募人充代市井狡猾之徒何

所愛惜欲望中嚴憲令應三節人徒如或假名代行重賞許告奉使失于覺察亦與其罰詔依仍自米年為始二十九年九月四日詔自建炎紹興以來奉使未回之人有親的子孫本家見無食祿人者可令經吏部自陳驗實申尚書省取旨特與一名恩澤二十一日詔翰林學士左朝散郎知制誥周麟之假左朝散大夫信安郡開國侯充奉使金國皇太后告宸使吉州團練使知閤門事兼客省四方館事蘇晔假崇信軍節度使齊安郡開國侯副之十月三十日禮部言今米顯仁皇太后上僊所有將來人使過界并三節人徒合着衣帶及沿路御筵人見花宴聽樂等下太常寺討論顯仁皇

太后係于十月二日小祥十四日大祥十六日禫除其
告哀使副并三節人若于禫除日分過界即合從吉服
只用皂鵲黑帶之類如嘉祐八年元豐八年故事從之

三十一年四月七日詔應靖康建炎紹興以來奉使
未回使副之家陳乞恩澤令吏部驗實照應已降指揮
依條施行其在外人委知通躬親驗實保明申吏部仍
令本部行下諸路州軍出榜曉諭五月六日詔左中
大夫同知樞密院事周麟之假信安郡開國公充金國
稱賀使洪州觀察使知閣門事兼客省四方館事蘇曄
假信軍節度使領閣門事副之二十二日權禮部
侍郎金安節等言今來孝慈淵聖皇帝升遐自發哀後

館伴并送伴使副等官合權易黑帶去魚來皂鞍轡其
人從止合服紫衫墨帶並從之 六月二十七日詔左
朝散大夫敷文閣待制樞密都承旨徐嘉假資政殿學
士左大中大夫醴泉觀使充金國稱賀使大州刺史權
知閤門事兼客省四方館事張掄假保信軍節度使領
門事副之 三十二年三月二十一日詔左朝奉郎守
起居舍人洪邁假翰林學士左朝議大夫知制誥兼侍
讀充賀金國登位國信使果州團練使知閤門事兼客
省四方館事張掄假鎮東軍節度使領閤門事副之
四月七日詔奉使金國使副下三節人私行傳易即仰
覺察以聞重寘典憲如使副傳易回日令臺諫彈劾

紹興三十二年七月九日孝宗已即位未改元詔中書
舍人劉珙假禮部尚書充皇帝登寶位報金國信使知
閣門事孟思恭假保信軍承宣使副之既而諫議大夫
任古言思恭受賂罷見任詔差知閣門事張說假昭慶
軍承宣使代之二十八日詔右宣教郎盧仲賢假樞
密院計議官右宣教郎李拭假將作監主簿並充通書
金國左副元帥府十一月十三日詔尚書戶部侍郎
王之望假禮部尚書充金國通問國信使知閣門事龍
大淵假崇信軍承宣使副之孝宗隆興元年三月十
九日王之望等言先蒙差充金國通問國信使副今既
不過界三節人合與不合故令逐使無辟差王銖龍仲

淮光親隨前去並蒙補上州文學令乞繳納詔三郎人
于逐便已轉一官更不以折展年磨勘王銖龍仲淮各
與轉一官候有名目日收使八月二十九日詔宗正
少卿魏杞假禮部尚書充金國通問使帶御器械康濟
假崇信軍承宣使副之九月五日魏杞康濟言今米
所差官屬全在同共宣力分掌職事乞依王之望等假
先與轉一官資出給省劄補授陟回日換給如不該推
恩却行繳納從之二年十二月十六日詔中書舍人
洪适假翰林學士差充金國賀生辰使知閤門事龍大
淵假寧國軍承宣使副之乾道元年正月十七日詔
武節大夫閤門宣贊舍人王抃充金國國使信所奏議

官持書有勞可特轉右武大夫遙郡刺史

二月二十

二日詔尚書刑部侍郎李若水假吏部尚書知閣門事

張說假昭慶軍承宣使充接伴金國報問使副

五月

二十八日詔尚書戶部侍郎李若水假吏部尚書充賀

金國上尊號國信使武畧大夫和州防禦使權知閣門

事曾覲假寧國軍承宣副之

九月六日詔國子司業

汪洵假工部尚書權知閣門事康濟保信軍承宣使充

接伴金國賀生辰使副自後接伴同此

二十九日詔

權尚書吏部侍郎魏杞假吏部尚書樞密都承旨張說

假昭慶軍承宣使差充館伴金國賀生辰使副自後館

伴同此 十月三日詔權刑部侍郎方滋假戶部尚書

充賀金國正旦使忠州團練使王朴假福州觀察使副
之自後賀正旦遣使同此 二十三日詔國子司業汪
洵假工部尚書權知閣門事康濟假保信軍承宣使充
送伴金國賀生辰使副自後送伴同此 十一月三日
詔吏部侍郎陳天麟假禮部尚書幹辦皇城司宋直溫
假保康軍承宣使充接伴金國賀正旦使副自後接伴
同此 四日詔金國賀生辰使人回程在路過冬節特
賜使副絹各五十匹工節各八匹中節各五匹下節各
三匹從樞密院請也 十二月九日詔權吏部侍郎之
茂假工部尚書知閣門事曾覲假寧國軍承宣使充館
伴金國賀正旦使副自後館伴同此 二年正月三日

詔尚書吏部侍郎陳天麟假禮部尚書幹辦皇城司兼
德壽宮管幹事務宋直溫假保康軍承宣使充送伴金
國賀正旦使自後送伴同此 十六日昭慶軍承宣使
知閤門事龍大淵奏恭觀兩朝每歲信使往來雖臣僚
有請和雇游手所主適成騷擾欲自今委建康府御前
都統制淮西總領均差不入隊人自揚州至盱眙軍往
來差使偕家糧兩月選差兵官鈐束所有合批口券令
所屬樵辦錢米發赴接送伴使副委官照券支給從之
九月二十二日詔今後北使往來令所過州縣過夜
自備火照照更不差百姓 十一月一日兩浙路計度
轉運副使周濬言已降指揮北使來令所過州縣過夜

自備大點照切緣隨船點照多是趕趁不前仍令州縣依舊置大墩照道仍戒約前期三兩日差雇人使過即時放散從之 三年四月十五日詔從義郎閻門祇候充金國賀生辰國信副使趙應熊以使回程道中身亡特贈武翼郎與一子承信郎恩澤更與進武校尉一名四年十一月十七日詔兩浙東路兵馬鈐轄張德明特追毀出身以來文字除名勒停送隆興府編管先因差充賀金國止旦國信副使受馮嗣宗等怨屬差撥入國送盤盂金銀收受入已特有是命 六年四月六日詔訪聞浙西江東淮東沿路州縣差夫應副往來及朝廷差出官多以奉使為名差雇夫馬騷擾百姓合行約

東詔食逐路行下所部州縣今後除朝廷賀生辰正旦
及接伴北使往還外其餘並不許差雇如違重作施行
閏五月九日詔起居舍人范成大假資政殿大學士
醴泉觀使充奉使金國祈請國信使權知閤門事兼樞
密副都承旨康濟假崇信軍節度使副之 二十四日
館伴使趙雄副使王朴奏二十八日使臣朝辭依例宣
賜御筵其日係皇帝散齋更不用樂外所有歸驛賜御
筵并夜筵未審合與不合用樂詔歸驛賜御筵并夜筵
並許用樂 十一月一日賀金國正旦國信使呂王已
副使辛堅之言近日對境文移已行回牒竊慮尚有文
移往來事關使者未過界間亦合預聞乞下盱眙軍自

今應有文移並令關報庶幾酬酢之間免致差誤從之
今後依此 二十二日詔今後應使臣往來其淮東合
用牽挽舟船并打凍軍兵本路諸州軍見管不係將禁
軍一千八百餘人可令漕司于內依舊數預期輪差應
副仍選委兵官往來部輅錙塵與依例支破錢米犒設
等 八年十月二十日詔武翼大夫趙益假宣州觀察
使知閤門事充接伴使令朝見日依見借官職起起
居侍立今後差充接送伴使副依此 九年十二月九
日賀金國正旦國信副使張疑言臣每聞北使渡淮到
盱眙軍岸下有馬頭二所兩國使副各一處艤泊而兩
界駕船篙師各欲先奔在工者多至爭競恐致生事有

失國體欲下時貽軍并接伴所將兩處使副馬頭各分
一所明立大字牌記以為定例庶幾人使往來彼此安
靜從之 淳熙元年二月二十一日詔權吏部侍郎趙
粹中假左朝請大夫試工部尚書權知閤門事兼客省
四方館事龍霽假泉州觀察使知閤門事兼客省四方
館事充接伴金國使副館伴以權兵部尚書兼知臨安
府沈度假試吏部尚書充福州觀察使知閤門事兼客
省四方館事兼樞密都承旨王抃副之 三月二十六
日上御垂拱殿引見金國泛使通奉大夫吏部尚書梁
肅定遠大將軍太府監蒲守中 八月五日詔敷文閣
侍制提舉佑神觀張子顏假工部尚書充金國報聘使

武功大夫定州刺史權知閤門事劉崇明州觀察使副
之九月二十七日詔虜人待報聘使之禮厚金次金
國賀生辰使人已來沿路供張飲食並要如法務使豐
厚及館伴亦然仍令所屬點檢覺察二年二月十七
日詔左司諫馮邦彥假翰林學士知制誥朝議大夫提
舉佑神觀兼侍讀充奉使金國申議使閤門舍人陳雷
假昭信軍承宣使知閤門事兼客省四方館事副之既
而三年四月詔邦彥送新州雷永州居住以臣僚言其
奉使虜庭頗乖使指驅車亟還又于虜庭輒有所受且
不能堅守已見惟從謝良弼之謀于是後詔邦彥雷並
編管國信所使臣謝良弼等三人並除名勒停嘉泰

元年正月九日臣察言伏見每歲朝廷遣使賀金國生辰正旦其三節官屬人從依節次指揮內上中節許差文武官及使副所領職局人吏候回程各轉一官未有官人候有名目收使所有下節軍兵二十六人欲乞指揮許于三衛輪差軍兵前去回程各轉一資只係兵部陞轉緣以軍兵所以淳熙七年指揮每次選差正副將部轄前去近年以來卻有蔭補副尉或吏職出身人元非軍兵冒充下節軍兵暨至回程將合得軍兵轉資賞計會省部脫漏賞典便作一官轉行竊緣軍兵資格自有輕重一資押官二資承局三資將虞候四資十將五資軍頭之類比之轉一官事體不同若乃蔭補出身或

更職補授校尉之人只將兩階便可入承信郎在法實
歷五任十考方轉一階今若冒軍兵一資之實作實歷
十考超轉一官委是冒濫乞今後下卽二十六人元降
指揮只許抽差三衙軍兵並不許踏逐在外蔭補及吏
職補授人充應從之 三月八日起居舍人俞烈言竊
見迎接北畔使人倒是南北之舟至淮河中流展列對
訖然後並舟南向而南北兵稍各欲爭先到岸時貽兵
稍慣于操舟率先至岸北人耻于不勝乃于後舟鉤鏑
南使舟尾以幸一先至有用篙仗相打者又北使執從
物人或行列差互編欄人不好說諭至今兵稍用仗趕
打北來下卽亦用抵敵有失事體乞行下時貽軍及淮

大典脫嘉定
二字寄案嘉
泰四年無七
年今校補

南轉運司戒約兵梢令彼此之舟取齊到岸編欄官不
得仍前生事如有違戾重作行遣詔令淮南轉運司盱
眙軍行下部轄官常切鈐束兵梢今後或有違戾重作
行遣其部轄官一併坐罪 九月二十三日禮部太常
寺言今來賀瑞慶聖節使人到闕係在光皇宗皇帝小
祥後百官並已服純吉緣皇帝見在服制之內今欲乞
從典故免上壽所有辭授書赴宴等欲令所屬照應
淳熙五年會聖節并今年賀正旦使人到闕見辭等依
例施行其班直親從等見服繫紫衫黃帶子依已降指
揮並合仍舊從之 嘉定七年十一月十九日詔自今奉使
入國內下節人除親從并譯語親事官及將不轉資入

人許使副差親隨厨子餘人令殿前司馬步軍司輪差
不得于諸軍抽摘令各司排定軍分每一軍一將內選
有職名家口無過人充已經入國人不差仍于本將內
選正副將一員部轄前去正將充上節副將充下節如
本將人不足許于別將內差 二十五日詔每歲奉使
金國合差上中節內除都轄引接并國信所指使已有
定例外更留二員聽候御前降下自今使副許辟差親
屬二人書狀官一員掌管私覲職負一名其餘並令吏
部于見在部籍定名次經任無過犯大小使臣委長貳
公共選差人貌魁偉年六十以下無殘疾人充如在部
人不足申樞密院令三衙輪差入隊準備訓練其已經

入國人不差具姓名申樞密院訖發赴使副依舊國信
所審量八年十一月十九日詔自來年為始令六曹
將合差奉使金國正旦生辰使副并館伴送伴下引接
儀範人每曹籍定一十人于差使副前兩月遇旬休日
分輪一曹所籍人數赴都亭驛令國信所掌儀通事使
臣指教閱習尚或違戾令本所具申樞密院取旨十
年十二月十六日權兵部侍郎余端禮等使金國還上
虜中事接伴問端禮云南朝幾年一郊荅曰帥是三年
禮典已定復問金國幾年一郊接伴云無定或時行之
十三年正月七日權工部侍郎兼樞密都承旨李昌
圖言竊見本部所轄文思院每歲制造北使器皿等物

方其成也初則起部長貳臨視版曹繼之赴都亭驛中
使照集復齋詣宰執徧問至再三亦云足矣猶以為未
也又從而繼進以清天聽此屑屑之事自有司存何至
仰勞九重之尊乞自今所造錫賜北使等物止令赴都
堂詳悉驗視免行進呈以尊國體從之 十一月九日
接伴使章穎副使李孝純言今來取接使人係在壽皇
聖帝小祥之內兼目今臣僚見行三年之制及接送伴
帛發使副彭龜年等沿路着白涼衫皂帶乘坐皂鞍藉
及御筵等處陳設并用青素及果卓撤去珠花粉仙使
人免舞蹈山呼係接帛祭之禮今來穎等接伴冒登寶
位人使係行賀禮所有服色禮儀等未審合與不合從

彭龜年體例施行禮寺指定檢準已降指揮群臣入局
 治事以皂中涼衫皂帶所有今未賀登寶位人使到闕
 其接伴使副等沿路服著合依前項已降指揮從之
 十四年十二月十八日宰執進呈畢上曰今次賀正旦
 人使到闕緣在喪服中禮物合與不合收受施師點等
 奏欲且下禮官議既而禮部太常寺申到正旦禮物及
 是通好之儀不可不受翌日宰執進呈劉僑劄子上曰
 金國禮物當與館伴意度且令堅辭如是不從止令陳
 于殿門之外庶幾于禮稍順既而金國賀正旦使至禮
 物上令有司收受更不至殿庭臣僚言臣聞禮之能服
 人也久矣春秋之時魯國有難齊將圖之仲孫湫以魯

秉周禮未可以動其後夫谷之會齊使來人以兵亂之
孔子相魯折之以禮齊卒成好禮之服人其明驗大效
如此哉日者虜使奉會慶節書幣以來吾國適有大故
陛下方在哀經之初命羣臣集議皆曰是故當與之見
既而聖意獨斷却其書幣就館津遣彼亦逡巡退聽而
歸此無他禮之所存有以服其心故尔今正旦之使復
來其事與前日大同而小異外庭臣子皆以陛下方御
編素聽事內殿不知當何以待之忽已降指揮見議素
幄引見使人令有司議禮物之當受與否則知聖意已
有所處矣然臣竊謂彼之前日見卻出于倉卒不意今
日之來必將深思熟計以相酬酢適聞指揮已出萬一

彼謀而知之或恐以賀正為辭不當于素幄引見欲望
陛下預于此日少留聖慮或密諭大臣蚤正素定之議
俟其辭或出此則授之館伴從容閒暇以應之無若前
日之舉涉于忽遽則為得體矣議者猶以謂我之告留
之使已往彼之慰奠之使未來今日之事似有先慶後
弔之嫌臣竊謂時之先後適然至是我本意況引見于
初到之日至于正旦陛下自行禮于大行几筵之前朝
會俱罷亦何名為慶哉國有典故礼有經權參酌其宜
自然中節如臣管見愚陋何足以仰裨聖明惟陛下財
幸詔今未正旦通問專為和好故說素幄許其人見若
受禮物則有慶賀之嫌已令館伴卻而不受又慮使人

援故事以為請未審于典禮如何可令禮官詳議以聞
既而兵部尚書兼權禮部尚書宇文价權禮部侍郎兼
權吏部侍郎顧師魯太常少卿尤衷祕書省著作郎兼
權禮部郎官倪思太常丞黃黻太常博士張體仁奏臣
等厯考祖宗以來雖居喪制未有不引見人使亦無不
受禮物之文前朝諸臣豈不知不當受而所以不免從
權者以為既已通好不當無事而使之疑也今歲賀會
慶聖節人使陞下方當哀疚之中卻之使去中外感歎
聖德雖狼子野心亦知委順今正旦人使亦既許素慳
引見受其書矣所有禮物恐無不受之禮况元日朔會
俱罷初無賀儀幣物所有將書亦非慶禮前者聖節之

使哥以陛下誕辰卻之可也正旦為兩國通好萬一使
客必欲如禮而去則徒為紛紜亦恐無辭以却其物在
禮有反經以從權正為是也竊以為當受兼照得所議
若聖斷以為然即乞下館伴使更不必宣諭卻其禮物
庶幾不致臨時往復以全國體詔依詳議到事理施行
可就殿之東楹設素帷引見人使百官並免裏見其禮
物毋令入殿付之有司 十五年二月十八日詔中書
門下省檢正諸房公事京鏜假禮部尚書充全國報謝
使侍衛步軍司計議官劉端仁偕客州觀察使右衛工
將軍副之令臨安府製造三節人從過界衣服 十一
月四日殿前都指揮使郭杲言每遇全國使人赴闕例

于三司輪差伴射官屬竊詳軍中使臣自辛巳歲至今
僅四十年日漸消磨見存者往往年邁筋力向衰抱軀
習射已非所宜目即請軍隊將訓練官其間有人物魁
偉正當壯歲可習武藝者拘礙白身不能應選乞今後
合差伴射官如兵將官內闕人不以有無官序通選如
或射中與特補一官資不惟軍士知有取進之路又且
激昂材藝得以應選仰副國家蒐擇編禪之意從之
十六日禮部閣門太常寺言國朝典故啟指前三日至
祔廟皇帝並前殿不坐將來賀登寶位使人到闕依
淳熙淳熙十五年賀正旦人使到闕于垂拱殿東楹引見今
來賀登寶位使人朝見已降指揮皇帝御後殿引授書

朝見并賜茶候朝辭日依舊垂拱殿東楹坐賜茶等令
歌權於紫宸殿引見其餘並從舊儀唯不設仗從之閣
門條具一是日使人朝見開紫宸殿門并紫宸殿兩廊
及後殿兩廊放班門令百官并使人入出赴後殿起居
朝見賜茶一知閣門官已下并當祇應宣贊舍人已下
合祇應諸司官并赴後殿後帷起居率執有如奏事赴
後殿後帷起居奏事一御後殿坐望參官四拜起居權
免舞蹈儀伏免排設一率執使相及使人侍從正任館
接伴並後殿宣坐賜茶一行門禁衛等於紫宸殿內隨
宜排立迎駕起居令入內官報撥一使人朝見授書止
令知閣門官并當祇應宣贊舍人在後殿內餘并出殿

提點一名同儀鸞司織褥位一使人合賜例物止橙兩
箱過如未盡未便事臨時隨宜施行 二十一日率執
進呈館伴賀登寶位使副黃艾等申北使王啟等云朝
見日三節人何不賜茶酒艾等茶以無例上曰若用吉
禮則三節人皆賜茶酒今以孝宗之制故止于賜茶使
副之外三節人何預焉彼不知禮例故爾 二十二日
閣門太常寺言今來賀正旦使人到闕入賀係在孝宗
皇帝祔廟之後緣有已降指揮自今後應有拜表稱賀
等事為在至尊壽皇聖帝喪之內並權免欲是日免入
賀并免拜表所有見辭受書赴宴出入觀遊服著等欲
令所屬照應淳熙十六年賀正旦使人到闕見辭等體

例施行從之

淳熙十六年二月八日盱眙軍中金國

報哀使副取二月二十五日過界詔就差何澹戴勲充

接送伴使副澹先于去歲十二月差充賀金國生辰至

盱眙金國遣使報哀就改命焉 同日禮部太常寺言

何澹戴勲充接送伴使副所有衣帶自合純吉金國使

副如繫黑帶聽從其便帷幕用紫沿路賜宴如堅辭不

肯赴座並令析賜既而權禮部侍郎尤袤等續行參酌

接送伴使副與金國使副初接見日合依典故權服公

服黑帶佩魚以後沿路相見其接伴使副自合純吉服

從之 十二日詔差中書舍人羅點假朝請大夫試吏

部尚書充金國報登寶位使武功大夫濟州防禦使權

知閣門事兼客省四方館事熙熙載假保信軍承宣使
知閣門事兼閣客省四方館事副之其合行事件並依
紹興三十二年體例施行自後接送館伴正旦生辰使
副借官同此 十四日宰執進呈差館伴使副職位姓
名其間依例亦具統制官上曰不宜差軍中官此輩素
不知書不閑儀矩一旦差充此等職事往往旋去習學
徒為可笑又使餘人互相倣效盡廢武藝而從事于此
甚非穩便今後切不須差 十五日詔差起居舍人諸
葛建瑞假翰林學士承旨朝請大夫知制誥兼侍讀充
弔祭金國使皇叔太子右內率府副率趙不慢假鄂州
觀察使左武衛上將軍副之祕書郎劉崇之假朝散大

夫起居舍人兼史館修撰充金國請祭文官其合行事
件依正旦體例施行既而崇之言使副除隨行人外有
三節人從分掌寢座是以不至失事今既不許增創所
有合用應辦掌管人數之就見差三節人內分候祇應
從之 二十七日尚書省言金國併遣使副名色不一
沿路申發文字往往差互詔止以第一次第二次第三
次之類稱呼 二十八日太常寺言諸葛廷瑞等過界
服着等今討論于典故即無該載所有使副等過界合
服所借本品服仍乞準備紅鞵黑帶黑鞵黑帶候到金
國弔祭令使副等審度服繫施行從之 三月六日詔
國子祭酒沈揆假端明殿學士中大夫提舉中太一官

兼侍讀差充賀金國登寶位使武功大夫吉州刺史權
知閣門事兼客省四方館事幹辦皇城司韓侂冑假安
慶軍承宣使知閣門事兼客省四方館事副之 九日
詔訪聞平江鎮江府等處賜金國使人御筵多不整肅
冗闊觀看今使副所到州軍預報守臣_並人約攔犯人
禁勘取旨每差接送伴令承受宣諭 十四日詔今米
使人往米頻併沿路州縣不得饋送如有違戾並以職
論 四月十六日接伴使張濤言至盱眙見人遞文書
率多淹緩乞下浙西淮東嚴行約束應干涉使客文書
別立字號依擺鋪法日行三百五十里違者究劾詔兩
別提舉馬遞鋪官嚴行約束毋得違戾又言遞年使客

往回例於鎮江都統司及楚州出戍軍中差步卒二百
餘人騎卒一百人服乘小馬九十五人州郡批支券食
等數目既多未免煩困乞下淮東運司照應前數減半
差撥從之 八月二十九日主管往來國信所言金國
賀登寶位人使將來到關契勘近奉使賀金國登位國
信使副沈揆等過北界所賜衣服例物常例外更有別
賜物數 射弓朝辭正使紅錦綾羅透背等共三十五
段鞍轡馬二匹散馬一十二匹折絹二十四匹雜色裏
絹二十五段副使紅錦綾羅透背等共一十五段鞍轡
馬二匹散馬七匹折絹一十四匹雜色裏絹一十段朝
辭三節人上節銀一十兩絹二十二匹中節銀八兩絹

一十八匹下節銀五兩綃一十一匹得旨令國信所將
別賜物段等比擬指定折賜本所參酌比擬到計合折
銀五千三百九十兩詔依其銀令封樁庫日下支降
比擬折銀正使雜色綾羅綵綃共折三百兩馬二匹折
銀一百兩鞍轡二副折銀二百兩副使雜色綾羅綵綃
共折銀二百八十兩馬二匹折銀一百兩鞍轡二副折
銀一百二十兩都管書狀官共四人雜色綵絹共折銀
一百兩蓋梳五副折銀一百兩上節共七人雜色綵綃
共折銀四十兩蓋梳二副折銀四十兩下節共三十九
人雜色綃綵共折銀三十兩蓋梳一副折銀二十兩
十一月十四日臣僚言乞降指揮今後奉使下節軍兵

須令所差軍分揀選慣能乘馬之人仍須先于教場中
選試取其精熟者保明差撥其上中節內大小使臣如
準備差使執旗報信小底之類當于諸軍訓練隊將內
大小使臣如準備差使執旗報信小底之類當于諸軍
訓練隊將內選人物光祿格與馬習熟者為之自來年賀
生辰奉使為始從之光祿格與元年六月八日上宣諭奉
使金國一行人合得一官賞後來因人議論鰓減自今
可與復舊三節人往返最勞或有墜馬等便至死損不
應吝此賞格 十三日臣僚言朝廷所差使副一行事
務委任甚重至若國信所人不過使之往來商議皇城
司人不過使之機察事宜而已初非有所假借使之得

以誰何使副也此曹合而為一自作威福不容矜制其
入國者往往又于過界之後妄生事端或于其間反行
挑攪恐動使副及沿路恐喝監司州縣多受鈔物乞自
今應接伴入國使副及一行官屬事務許其從實機察
萬一國信所與皇城司人不遵繩檢犯今來約束非理
求取批借及如臣前所陳亦許使副具名聞奏庶幾事
體兩全從之 十月二十八日皇子嘉王府朔善黃裳
等言送伴至揚州收金國禮信所牒一件及本所回牒
照會却云牒內不合書寫年號不肯收受據此引接齎
到公案內有本朝送伴所回牒果是無年號遂牒會到
盱眙軍遇與泗州公文往來並寫年號猶執前說至盱

貽軍臨行方肯收接照得所差行司緣無正關往往多
是在外浮泛之人充應是致乘誤乞今後正差行司二
名却于合將差校內損減人數仍于曾魁行司慣熟諳
曉行移人內選差詔國信所今後同接送伴使副將行
司吏人公共選擇差撥 二年正月三十日盱貽軍奏
金國事故使副取二月初四日過界詔就差蘇山劉詢
充金國報哀接送伴其合用都轄等並于三節人內就
差合行事件仰國信所日下照例開具申三省樞密院
山等條賀金國正旦回程年例合至正月三十日到盱
貽軍三省檢舉故有是命 二月三日詔戶部郎中宋
之瑞假期請大夫試禮部尚書差充弔祭金國使問

宣贊舍人點檢閤門簿書公事充宣詞令趙嗣祖假嚴
州觀察使左衛上將軍副之祕書郎兼權倉部郎官王
叔簡假朝奉大夫守太常少卿兼史館修撰充讀祭文
官既而叔簡言合用公使從物乘馬張蓋等既比使副
一體所有乘座舟船齎立黃旗乞行下所屬製造從之

四月十一日保靜軍承宣使提舉佑神觀鄭興裔逐
年奉使全國及接伴送使副賜宴中使回程經過揚州
瓜洲鎮渡江所用般剝人夫每次不下二千餘人乞節
下揚州自今接送伴除與北使同行聽從差夫外所有
奉使金國回程止乞差夫一千人送伴使副回程差夫
八百人賜宴中使回程差夫二百人庶幾約定人數不

致泛差從之

九月二十五日差充賀金國正旦國信

使黃由副使張宗益照得由字係犯金國名諱偏傍宗

字係犯金國名諱合行回避詔黃由時暫改名申張宗

益除去宗字並候事畢日依舊三年三月二十一日

進呈黃由等劄子昨充賀正旦使副乞奏對上司兩人

都教魁引見要詢問北界事留正等奏張宗益前日過對

境然踈脫為虜人所輕上司只為是張子蓋之子前日

差佗去却如此所以遣邏者之意正為要伺察此等事

全不奏來宗益更與外任邏者亦須懲治隆五年六月

十二日詔大行至尊壽皇聖帝六月九日隆遐梓宮發

引在十月之後九月七日本國皇帝生辰仰盱眙軍閔

報對境權免遣使一次

寧宗

慶元元年正月九日宰執余端

禮等言虜使移刺敏等必欲求竹牛角館伴使副孫逢吉等執不與之此意亦是上曰問渠虜主甚欲得此與之亦未害但恐後來源源不絕尔 十二月十日尚書省言金國賀正旦使人緣在哲文神武成孝皇帝未祔廟前已降指揮令接伴使副諭使人免賜幡勝優與折支本已就所至州軍照數充支日後卻令所屬撥還照得賀登寶位使人合賜幡勝內侍省未曾差官詔令戶部檢合用金銀兩數付內侍省所差官前去給賜使副二人各純金幡勝一副各重一兩五分各折金二兩上節一十一人并接伴使副二人各渾金鍍銀幡勝一副

各重六錢鍍金五分各折銀一兩半中節一十四人下
節三十九人各間金鍍銀幡勝一副各重五錢八分鍍
金三分各折銀一兩 二十六日送伴使章頴副使李
孝純言送伴金國賀登寶位人使至前路必遇歲元昨
來金國賀天申會慶重明聖節往回途中該遇端午冬
至重陽節各差天使賜使人節儀今來前路使人該遇
歲元節未知合與不合降賜詔依冬至例給賜其合用
絹于所至州軍代支邵令戶部依數撥還仍令押御筵
官就賜使副二人各生白絹五十匹都管二人各生白
絹一十二匹書狀官二人各生白絹一十二匹上節七
人各生白絹八匹中節一十四人各生白絹五匹下節

三十九人各生白綃三匹 二月三日右丞相趙汝愚
等言竊惟行人之官責任甚重欲求稱職必在擇人人
固酒才事當有據嘗考周禮行人之職掌賓客之禮儀
名位尊卑皆有禮籍禮俗政事自為一書神宗皇帝嘗
以僚國和好盟誓聘使禮幣儀式皆無攷據始命蘇頌
脩成一書名曰華夷魯衛錄今兩國通好姑務息民凡
所遣之使人此是臨時選擇事非素習初非世家禮或
有疑責成吏手安危所繫事體非輕乞特命儒士自隆
興以後聘使往來之禮吉凶慶弔之儀編類成篇以為
準式使已用之文繁然可觀後來之事酌之而行可以
息爭端可以定疑慮今後遇遣國信使副及接送館伴

各授一編使之檢用誠非小補詔令樞密院承旨編修
司共同編類 十一日詔奉使金國並不許辟差見
任知縣縣令充上中郎人數許本路監司守臣劾奏有
已差人更不推賞先是臣僚言乞自今後考試官並不
許差知縣立為定制勘會近來諸縣知縣縣令黃緣干
請辟差充奉使所差遠自被差至回程動經數月妨廢
職事故有是命 六月二十九日臣僚言銅錢透漏法
禁不行今朝廷見議兩淮鐵錢未有成說雖鐵錢不得
過江而銅錢過淮常自若也每歲使人出疆一行隨從
頗衆誰不將帶銅錢而往不知幾年于此矣此而不禁
法令何緣可行欲乞自今次遣使重立罪賞互相覺察

委自使副糾舉不得容情隱庇如有犯者不問是何名
色人必行無赦若所遣三節人從過界並無銅錢與彼
交易亦使知本朝法制加嚴不同曩日誠立國之所先
乞賜處分詔令戶刑部檢坐見行條法指揮申嚴行下
今後使副到盱眙軍臨期責令排軍將三節官屬人從
隨行衣籠逐一搜檢有無將帶銅錢具申使副其排軍
衣籠卻令都轄檢察如有違戾依法施行 八月二十
六日詔瑞慶聖節賀生辰人使到闕係在孝宗皇帝小
祥之後使人見辭並設淡黃幄百官使人幕次陳設並
用紫色以禮部太常寺檢會 淳熙十五年十月會慶
聖節在高宗皇帝小祥之後典禮故有是詔 三年十

月二十八日知臨安府趙師霁奏本府年例合造奉使
金國三節官屬紫羅衫共計七十二領其色皆拘前例
變染成緋謂之番紫竊見曩歲虜使到闕皆服緋色紫
衣中國之人互相倣倣近年以來虜介到國使副以下
皆是深紫公裳窄衫側間本朝遣使出疆虜庭官僚亦
皆深紫之衣而本朝使屬卻衣番紫之服况沿路衣著
不禁風日顏色昏淡觀瞻之間甚繫國體乞劄下以爲
遵守逐急染造施行從之 四 正月二十九日主管
侍衛步軍司張國珍言昨準指揮今後奉使入國下節
軍兵令殿前馬步軍司排定一軍一將輪差有職名家
口無過犯人充不得差已經入國人自承上件指揮至

今二十年諸軍屢經選差目即雖未經入國有職名軍
兵數亦不多其間又有年紀衰瘁或身材矮小不中選
者若行備數差撥誠恐有輕國體乞下殿前步軍司今
後若是有職名軍兵差撥不教許于白身效用內通行
選差人物魁梧善鞍馬有家口無過犯不曾入國人前
去非惟軍校溥霑恩霈亦增重國威從之 五年二
月十日臣僚言竊見國家遣使其間三節官屬合六十
人內下節一十六人係于三衙輪差官兵自餘悉聽使
副踏逐情差其在選中者不過為轉官資理實厯之計
悠悠往來他不暇顧行之既久玩弛滋甚今乞將三節
官屬除都轄書狀官掌儀引接儀範并使副親隨守宅

並從舊例差充外其餘自上節至控攬盡之于軍中令
統軍官猜擇官軍自三十歲以上至五以歲以下之人
使充其選仍乞申嚴指揮已差者不許再差卑其玩習
之弊詔除都轄書狀官禮物官書表司引接醫官指使
國信所指使親屬親隨職員小底準備差使譯語親事
官親從控攬並依舊例差撥外其執旗報信二員令三
衙主帥選擇軍中有心力諳曉事務可以倚仗有官人
各二十人轉資軍兵二十六人令三衙主帥于諸軍選
擇疆壯有心力軍兵各一百人並自指揮下日限十日
保明申三省樞密院籍記姓名遇差奉使日聽候朝廷
點差候差足日再行選擇 四月七日新知温州毛憲

奏卽惟國家中興以來徭兵息民兩國聘使來往歲以
為常竊見浙河牽挽人使舟船率用百姓而淮河則用
兵卒使之歲有挽牽役使之勞夫兵皆吾兵也民皆吾
民也當卹於淮獨不當卹乎浙乎兵可用於淮獨不可
用於浙乎乞行下兩浙轉運司令浙西沿路州縣遇兩
國聘使及接送伴來往並照淮河體例止以兵卒牽挽
舟船卻將每歲所給百姓雇直支犒不得容令減尅從
之 十月十六日詔金國賀生辰使僕散琦為患可免
朝見仍令宣醫所有朝見持書等令副使張汝猷代璞
散琦行禮 六年八月九日尚書省言勘會大行聖安
壽仁太上皇帝八月八日陞遐見行差官告哀緣將來

梓宮發引在本國皇帝生辰之後詔令行貽軍關報對
境欲權免賀生辰遣使一次 十一日奉使金國告哀
使吳玠言副使林可大旬日而前因感冒醫療稍獲安
愈緣傷動胃氣遂得嘔噦之症疾勢日增竊恐臨時取
接或未痊安詔令行貽軍差官醫治如病勢增重不能
過界即就差揚州鈐轄岳松假廣州觀察使知開門事
兼客省四方館事副之 十一月一日禮部太常寺言
金國弔慰祭奠使副到闕緣皇帝見在大行聖安壽仁
太上皇帝服制之內所有行禮見辭日欲依——淳熙十
五年紹興五年禮例皇帝服衰經宰執以下各赴立班
官并應奉官人依昨來小祥禮畢禮例服布幘頭布欄

衫晉經布襦俟班退易常服黑帶從之 嘉定元年正月二十二日詔起居郎許鑣閤門舍人吳衡差充通問金國使副既而改作通謝許鑣假朝議大夫試禮部尚書吳興郡開國侯食邑一千戶實封一百戶賜紫金魚袋吳衡假福州觀察使右武衛上將軍永康郡開國伯食邑七百戶 九月二十一日臣僚言今後使人到闕應干料買之物照時直隨精粗定價隨即支還毋致稽緩經從州軍收買使人合用之物從寔酬價以時支還自餘往來饋送等費乞嚴行約束如往來沿流牽擔之夫動以千百計官司雖量給口食然束散多不以時其間未免減克每遇冬寒多有凍餓至斃者乞下所屬務

令優給不得縱令減剋從之 十二月八日詔賀金國
正旦使曹從龍副使葉濂日下回程接伴使徐邦憲副
使鄭盡令就揚州聽候指揮以盱眙軍繳泗州牒報金
國大行皇帝升遐梓宮猶在損殿山陵未畢難議受賀
故也 二年十月十七日館伴金國賀生辰使章穎副
使董世雄言館伴使人在稅亭茶酒間有北引樓閣河
等云昨日赤岸御筵傳爾免樂甚荷周旋今日到館國
信來時得朝省處分緣皇帝見居心喪館中應御筵宴
並告免聽樂止賜花免紳戴殿庭禮數為係貴朝皇帝
生辰不敢不聽樂止受賜花免紳戴乞詳酌指揮施行
從之既而三年賀歲元禮館伴使劉槃副使王斌亦同

館伴使

此請 三年十月十七日接送伴金國賀生辰使副李
洪李謙同班內殿奏事洪等出劄子奏向來歷辭之時
恭奉聖旨令歸日具江淮風物民間利病奏聞上曰曾
令具江淮風物民間利病洪等對展劄子奏陳訖聖上
再三首肯上又問使人別無生事否洪等奏云徒單鎬
等沿途執禮直是恭順

真宗景德元年十月以屯田員外郎權判三司勾院杜夢誥
假衛尉卿侍禁閣門祇候康宗元假西上閣門副使接
伴契丹賀承天節使迴日充送伴使復以鹽鈇判官殿
中丞直史館樂黃目假司農卿接伴代夢誥 十一月
命翰林學士李宗諤東上閣門使曹利用充在京接伴

契丹賀承天節使時已命樂黃目康宗元詣雄州接伴
使回日充送伴使又命群收判官著作左郎王曉假開
封府推官吏部郎中侯契丹使至持知府張雍書禮迎
勞于郊及還又命屯田員外郎權判三司勾院杜夢錚
假檢校祕書少監開封少尹餞于上德橋自後皆以府
判官假少尹為餞推官假判官郎中為接送不復命他
官 十月二十日詔接伴使副李宗諤等逐日入朝
起居令于北朝人使前先起居於東面立令使人起居
大中祥符元年六月以都官員外郎係與假祕書少
監使契丹諭以將有事於泰山也 二年二月六日詔
自今契丹使有例外贈遺接伴館伴使者再辭不已則

許納之官給器幣為答初契丹蕭智可等至白溝河與
送伴使陳知微酌酒為別遣舍利以所乘馬遺知微又
以二馬至今自擇之知微固辭不受朝廷務懷遠俗故
有是命 十二月十二日詔自今館伴使所得馬官給
其直副使半之初契丹使與館伴使有私覲馬悉輸官
而答禮皆已拘至是見迴上言故也 是月差太常博士
集賢校理張象中假太常少卿侍禁閤門祇候薛貽
假引進使接伴契丹告哀使仍馳驛以往又命戶部郎
中知制誥李維假左諫議大夫涖曹利用館伴之以其
國母蕭氏卒 仁宗天聖三年九月六日起復戶部郎
中知制誥夏竦言蒙差充契丹使臣父往年與契丹關

正旦使

生辰使附

敵沒於王事義難以行許之十六日殿中侍御史張億言蒙差接伴契丹使竊緣億名犯北朝諱未審避與不避詔以程琳代之其後韓億充使遂令權改名意王克明接伴亦權名克用 四月十二日接伴使孔通輔言北中並知兩制臣僚之數故乞假言外各令兼帶本職從之慶歷詔奉使接送伴兼會毋過飲酒語言務存大體仍委使副通相覺察

太宗太平國興二年十一月命監察御史李漬假太府卿閤門祇候鄭倬假右千牛衛將軍為契丹正旦使三年五月命左補闕李吉假司農卿使契丹通事舍人薛使寶假西上閤門使副 十一月命供奉官閤門祇

候吳載假西上閤門使太常寺太祝母賓右假右贊善

大夫為契丹賀正使

景德二年二月二十五日命開

封府推官太子中允直集賢院孫僅假金紫光祿大夫

檢校左僕射衛尉卿上柱國樂安郡開國侯食邑一千

二百戶為契丹國母生辰使右侍禁閤門祇候康宗元

假西上閤門副使紫金光祿大夫檢校兵部尚書魚御

史大夫上柱國東平郡開國侯食邑一千戶副之是

冬遣太常博士周漸假太府卿右侍禁閤門祇候郭盛

假西上閤門使為契丹國主生辰使職方郎中直昭

文館韓國華假祕書丞衣庫副使焦守守節假西上閤

門使為契丹國母正旦使祕書丞張若谷假將作監

祭奠使

內殿崇班郭允恭假引見副使為國主正旦使自是歲以為常

使使契丹澶淵之役朝廷姑務休息兵民故復遣使講好焉 三年十一月開封府判官太子中允直集賢院孫僅假衛尉卿接伴契丹賀正旦使以陳若拙說詞鄙近代之

嘉祐三年正月契丹母蕭氏卒遣侍御史朱處約假左諫議大夫為祭奠使宮苑使惠州刺史藩若冲副之三司度支判官兵部員外郎集賢校理李師中假左諫議大夫為弔慰使六宅副使雍規假六宅使榮州刺史副之元豐八年遣留入國使副元偕行李使副皂鞍

韞青結絲鞍轡黑鞋犀腰帶青襪素額綴壁青純幕青
絹坐褥子白成銀香合香匙全白成銀交椅小罐子手
中筒三節人從青筋點錦絡縫衣服青筋點錦簷帽子
皂鞋角腰束帶俟禪除即從吉服使副只繫黑帶去魚
袋打青緞乘皂鞍韞仍去狨座舞蹈即從常儀服窄衣
黑鞋角帶其馬纓徹去三節人從並服紫衫黑帶十
二月七日詔左太中大夫叅知政事賀正中充皇太后
遺留使保信軍節度使領閣門事兼客省四方館事提
點皇城司鄭藻副之二十九日三省樞密院言擬到
今後遣使三節人格例常使合差二十四人文武臣通
差泛使如非執政官與此同今欲止許使副通差文臣

六人餘差武臣校副尉下班祇應其轉支賜依見前條
格泛使係執政官二十八人文武臣通差今欲止許使
副通差文臣八人餘差武臣校副尉下班祇應上節恩
數依舊中節轉一官與回日添差遣下節轉一官資以
上並不許並承議郎以上并行在職事官合差人並差
正身不得充代內引節禮物官書表司乞踏逐慣熟無
官人者聽與破本等支賜及承信郎請給其恩例候有
名目日收使仍不得過人三從之三十年正月十八
日詔今後奉使金國使副不以兩府侍從過界後並只
合依常例坐車馬不得妄於例外索覓轎子前去令行
貽軍遵守施行二十四日詔左朝奉大夫守宗正少

新請使
通問使

卿金安郎武翼郎帶御器械韓侯各特降兩官以送伴
不職故也 治平四年六月二十三日送伴北朝弔慰
使王瓘等言今後館伴接送并入國使副如北使例外
送到微少麝香等乞令逐番使副自備茶菓紙筆香藥
之類回答從之

建炎中興未和則有新請使通問使

建炎元年遣伴
為新請使王倫為通
問使

報使

嘉祐八年二月十一日詔左中大夫同知樞密院事葉
義問充金國報謝使右武大夫和州防禦使知閤門事
兼客省四方館事劉允升假崇信軍節度使副